

## Gewicht Ehlen vnd mas.

**G**ewicht Ehlen vnd Mass / sol nach der Stadt  
Zwickaw ordnung gericht werden / vñ masen es  
auff dem Schneberg auch gehalten wirdet / mit  
vleißiger bestellung / besichtigung vnd verwarunge /  
auff straff des betrugs.

Dieselbe Ehlen vnd mass sollen yhnen / durch vnsern  
ambtman vñ zehendner auffm Schneberg / im anfang  
zugeschickt werden / vnd Richter vnd Schöpffen / die als  
vñ verwarung nehmen / die andern mass darnach zu  
eichen / betrugt vnd schaden zuuerwaren vnd zustraffen.

## Fleisch vñ Brothbencke die Badstuben der Saltzkasten.

**W**illigen wir aus gnaden / das dieselben fleisch vnd  
brothbencke / die Badstube / vnd der Saltzkaste  
Richter vnd Schöpffen / auch gemeinen einwoh-  
nern des Berckwergs auff der Platten / zu nutz vnd ge-  
deien / mit fürsichtigem bedacht / an gelegenen enden vnd  
pletzen / nach radt des ambtmans vñ zehendners vom  
Schneberg angericht / vnd was ierlich einkommens vnd  
fromen dauon erlangt / der gemein zugut / getreulich vnd  
ordentlich einbracht / vñ ierlich vor vnsern benelhabern  
verrechent werde.

Welchs inen doch zu ihrem nutz  
volgen vñ gelassen werden sol / alles bis auff vnser gefal-  
len / auff das wir in deme mit auffsehens haben mügen /

L ij das